

13.  
Q. D. B. V.

De

NINO VRBE,

PRAESIDE

CONRADOSAMVELE

SCHVRZFLEISCHIO,

PROF. PVBL.

disputabit

M. ALBERTVS MENO Berpoortenn/

*In Auditorio Maiori,*

ad V. Id. Iul.

cIs Isc XCVI.

CVM PRIVILEGIO SEREN. EL. SAXON.

---

Disputatio LII.

LIPSIÆ, Apud NICOLAVM SCIRIONEM.

clb Isc XCIIIX.

MINO ARBE

CONRADOSMIVELLE

EL ALBERCAS MINO ARBE



I.

**R**Vdera Nini, urbis in Oriente principis, et rerum Assyriarum dominae quondam et regnatricis, varie dispersa, nec ubique obvia, neque ab omnibus aequae diligenter custodita et asservata, colligam, et velut in tenuissimo pulvere delitescencia perquiram. Sed ultimae antiquitatis reverentia fecit, maiestasque regni, omnium, quorum apud nos quidem memoria superest, facile primi, ut ruinas has potissimum scrutari, atque inde materiam operi huic tumultuario sumere instituam. Qua in re mihi non esse fraudi censeo, quod viri literis eruditi multa subinde huc pertinentia excusserint iam, atque e tenebris et caligine urbis eruta in lucem produxerint. Non enim id egerunt, ut aliis viam ad fontes, quibus ipsi sitim explerunt, praeccluderent, sed ut aperirent potius, et quae ad arcem eruditionis eundum esset, non dictis tantum, verum etiam exemplis monstrarent. Enimvero ipsa sententiarum divortia magis cogitandi inquirendique occasionem praebent, ut rem hanc ab ipsis antiquitatum primordiis repetere necesse habeam, ne quae tantis viris interdum exciderunt nec opinantibus, sola nonnumum auctoritate, nos in errorem inducant. Confragosae et praeruptae viae sunt, mutilis veterum scriptorum fragmentis passim oppletae, quin et turbatis apud ipsos veteres priscarum rerum vestigiis confusae, per quas diversa ratione, suspenso nonnulli gradu, alii impetu quodam ac velut saltu penetrarunt. Ut adeo mirandum non sit, si obiter aut accurate, propius aut e longinquo, hoc alterove a latere inspecta, diversam sui speciem intuentibus praebuerint, et quum eodem omnes tenderent, ut nobis scilicet ad superandas molestias planius iter redderent, magisque expeditum,

tum, diverso tamen ipsimet tramite ivisse,prehendantur. Tantos igitur duces,passu licet impari,sequutus,aequum me ab erudito lectore orare confido,si conatui meo,si minus favorem veniam certe dari,etiam atque etiam contendero. Non tam longe quidem a tenuitatis meae conscientia absun, ut veteribus novitatem, obscuris lucem dare me non posse, penitus ignorem; sed nec grandius quid, qvale invidiam movere possit,verum quod disquisitioni publicae more Academico sufficiat,polliceor;nec rudes has lineas veterum Historicorum pulveri inscriptas frustra me duxisse credo,tantoque minus dubito,quin apud aequos bonosque indices ipsae se excusare possint.

**V**Rbs Ninus ut moenium amplitudine, ac maiestate diuturnitateque imperii tantum non omnibus, quorquor uspiam fuerunt, urbibus antecelluit, ita pariter de antiquitatis gloria cum plerisque earum facile potest contendere. Quamvis enim viri eruditi, qui in temporum rationibus cum sempiterna nominis sui gloria versati sunt, circa Nini Regis imperium cum annis ab orbe terrarum condito, aut a generali eluvione Noachica, comparandum in diversa abeant, et cum *Calvisio Helveticus* eius initia in A. M. MDCCCLXXVIII. *Petavius* autem in A. M. MDCCC LXXIV. collocet, apparet tamen, tertio saltem seculo post siccitas repurgatasque ab aquis terras regnavisse Ninum, et urbem hanc sui nominis condidisse. Quae non difficulter ei probabuntur, cui Petavianae rationes, nobis hac in re prae ceteris probatae, incognitae non fuerint. Nam ab initio Cyri, quod omnium consensione in Olympiadis LV. annum primum, qui mundi conditi 3425. Periodi Iulianae 4155. est, incidit, annis CCCXVII. retro numeratis, quibus secundum *Ctesiam* et *Diodorum* in Media regnatum est, adiunctis MCCC. quot imperio Assyrio tribuuntur, ad annum a diluvio CLIII. devenimus, ut annus Nini primus post Beli annos LXV. in annum CCXVIII. annus autem Nini conditae in medium seculi illius

cadat. Nam aliquod tempus apparatusi bellico et exercitationi militum, expeditionibus item contra Babylonios, Armenios, Medos susceptis tribuendum, anni quoque XVII. mittendae sub iugum Asiae reliquae integri relinqvendi sunt, quibus exactis irritae contra Bactrianos minae aliquoties iteratae, ut vix ante annum regni trigesium ad urbem condendam Ninus Rex animum adieciſſe videatur. Quod enim *Petavius l. XIII. de Doctr. Temp. p. 519.* XVII. annis a Diodoro memoratis omnia haec Nini bella prospere gesta includit, praeter Auctoris mentem fieri credimus.

Si quis autem breviora haec esse spatia putaverit, quam ut in iis humanum genus in eam potuerit augeri multitudinem, quae tantae urbi, totque ac tantis imperiis condendis sufficeret, eum ad rationes *Petavii l. IX. de Doctr. Temp. c. 14.* delegatum volo; et calculos ponere iubeo, atque eos tantummodo, qui primo alteroque seculo ex filiis Noae propagari potuerunt, in summam colligere, si singulis annis singulos statuamus generasse, liberisque ab anno aetatis vigesimo eandem foecunditatem tribuamus, perinde ac *Bocbarti* consilium est *lib. II. Phaleg, c. 16.* Inprimis autem numerus excresceret, si parentes maioresve omnes adhuc in vivis extitisse, *Epiphanio* crederemus, qui *lib. I. adv. haer. c. 6.* de Tharae aetate verba faciens: ἡ δὲ αἰς, inquit, πάποτετων προτέρων ἀνθρώπων πρὸ πατρὸς υἱὸς ἐτελεύτα, ἀλλὰ πατέρες πρὸ παιδῶν τελευτῶντες τῆς υἱᾶς διαδόχους κατελείμπατον, *Nec quidquam priscorum hominum ante parentem filius decessit, sed patres ante morientes, quoniam liberi filios heredes reliquerunt.* Verum, quo minus assentiamur, divina Codicis sacri impedit interceditque auctoritas. Sed nec antiqua, aut recentiora mirae foecunditatis exempla deessent, si necesse foret, quae passim, sigillatimque apud *Dannbauerum*, contra impias Peyrerii nugae disputantem, videri possunt.

Parentem conditoremque urbis literae diviniore *Assurem*,



reliquarum gentium scriptores magno consensu *Ninum* fuisse commemorant. Quibus et inter se, et cum veritate convenire, non difficile probatu est, et paulo altius repetendum videtur. Nam circa Moysi verba, quae *Gen. X. 11.* legimus, diversas in partes abeunt Interpretes, quorum nonnullis Assur populi, aliis regionis, reliquis viri nomen est. Et horum quidem alii ad Senium, alii ad Chamum Assuris referre genus volunt. Est etiam, qui a Iapeto eius arcessit originem. Quae interpretum dissidia rem esse difficultate plenam persvadent. Quum igitur aliquam in sententiam me quoque discedere oporteat, mihi eam praeter ceteris probari non diffiteor, quae Assur viri nomen esse, et Chami ex Nimrodo pronepotem, neque a Graecorum Nino diversum tradit. Nam quod *Aben Ezra* Iapeto progenerum dicit, id quum nullo idoneo argumento affirmet, credere non possum, suspecta iam pridem Hebraeorum fide in rebus ad regna mundi, ut vocant, pertinentibus. Quo minus autem ad Seni filium referamus, aut ad posteros saltem Assuris Semidae, quod cum multis *August. lib. XVI. de Civ. Dei, c. 1.* facit, non permittit ordo gentium a Mose descriptarum. Qui de populo, vel gentili certe nomine explicant, putantque Moysen dicere, exivisse ex terra Sinear Assyrios, vel Assyrium illum, scilicet Ninum; quoniam non magnopere sententiae nostrae adversantur, nec rationibus firmari possunt, multam in refutando operam non requirunt. Quamquam non longe *Hieronymus* abit, qui in *Traditionibus in Genesin: de Terra*, inquit, *illa Assyriorum pullulavit imperium, qui ex nomine Nini Beli F. Ninum condiderunt.* Gravior autem controversia nobis est cum iis, qui Moysi adhuc de Nimrodo sermonem esse, eumque dici exivisse in Assyriam, atque in ea Ninum condidisse propugnant. Tanta enim rationum specie nituntur, ut viros eruditorum Principes in partes suas traxerint. Ac nostratibus quidem *Io. Gerhardus in Comment. in b. l.* et post eum *Seb. Schmidius in nova divini Co-*  
*di.*

dicis Latina interpretatione huic sententiae calculum adiecerunt; illamque erudite inprimis *Sam. Bochartus* tuendam suscepit in *Geogr. S. Part. I. l. IV. c. 12.* quibuscum *Cbaldæus Interpres* facit. Nos autem, ut, salva tamen magnorum nominum veneratione, Assur viri nomen esse, non regionis, fateamur, et locutione *Mosaitæ*, et quorundam Interpretum, speciatim *Lutberi*, auctoritate compellimur: pariterque ut Assurem Nimrodi F. neque alium a Nino Beli F. fuisse asseramus, scriptorum reliquorum cum Historia diviniore consensu, hac ratione expedito, permovemur. Nam altera ratio, dum verba Mosis consuetæ loquendi formæ convenienter explicare vult, suppleat aliquid, necesse habet, uti et Bochartus מִשְׁרַם pro מִשְׁרָם dici annotat. Quamquam autem illud a natura lingvæ sanctæ non abhorrere concedimus, eo tamen, nisi interpretandi leges aperte iubeant, deveniendum non esse, affirmamus. Præterea observatum est, vocem מִשְׁרַם in eiusmodi positu semper מִ, quod Technici locale vocant, assumere, ut constat ex Gen. XXV, 18. II. Reg. XV, 29. c. XVII, 23. Esa, XIX, 23. quod hic prorsus abest. Itaque intelligimus Nimrodi Filium, qui Assur dictus est, sub Nino autem nomine reliquis scriptoribus celebratus. Vbi si Ninum, qui Niniven condidit, Beli F. esse, a Belo autem Babylona conditam, probavero, Nimrodum Belum veterum fuisse, et parentem Nini, summo iure, præsertim quam rationes temporum egregie consentiant, mihi videor posse affirmare. Hac enim vera et evidenti nota Moses Nimrodum nobis demonstrat, quod potentiam Babylone primum firmarit. Iam vero quicumque genus Nini memoriae prodiderunt, cum Belo genitum fuisse tradunt. De quo nobis vel quæ *Eusebius habet lib. IX. προπαλαιου* ex Alexandro Polyhistoro, aut etiam *Cephalaæonia* fragmenta fidem possunt facere, quorum nonnulla in Eusebianis a *Scaligero* referuntur, ubi p. 30. hæc quoque legas: τὸ παλαιὸν τῆς Ἀσίας ἐβασίλευσαν Ἀσσύριοι. τῶν δὲ ὁ Βῆλε Νινῶ. Qui scriptor ex Hellanico, Ctesia, Herodoto, sua depromptisse testatur.

statut. Deinde *Africanus* vetusta literarum monumenta sequutus, atque ex eo *Eusebius* seriem Regum Assyriae ita construnt, ut Belus primus, alter ab eo Ninus sit, quibuscum ex Latinis *Tertull. de Pallio* c. 2, *Augustinus* l. XVI. de Civ. Dei, c. 17. et l. XVIII. c. 2. et *Hieronymus* in *Chronico Eusebiano* consentiunt, ut recentiores taceam, qui sua his ex fontibus hauserunt. Cui autem primum constructio magnae Babylonis debeatur, ut non adeo explicatum esset, Graecorum scriptorum vel negligentia fecit, vel crudelitas. Quorum plerosque si hic testes admittamus, Semiramis facti gloriam sine dubio auferet. Sed omnium eorum fidem *Berosus* apud *Iosephum* l. I. c. Apionem, elevat, eosque vane credidisse, Babylona ab Assyria Semiramide constructam, atque, eiusdem esse opera, quae circa sint, admiranda, falso scripsisse, graviter testatur. Quod non invidia et aemulatione gloriae, sed ex vero a Beroso proditum fuisse, non fama tantum viri, et rerum Chaldaicarum notitia exactior, verum sacri quoque scriptoris auctoritas persvadent, quae Babylona Semiramide vetustior aperte tradit. Praeterea Babylonem a Semiramide conditam, atque ab eadem reliqua admiranda opera perfecta esse, etiam ex eo in dubium vocari potest, quod *Herodotus* in *Clio* Semiramidem, quae inter Reges Assyriae censetur, πέντε γενεαῖς tantum ante Nitocrin, Cyaxari Medo σύγχρονον, vixisse dicat; quae intervallum CLXX. fere annorum efficiunt; quoniam, ipso explicante *Herodoto* in *Enterpe*, γενεαὶ τρεῖς ἀνδρῶν ἑκατὸν ἑταῖς. Neque enim *Scaligeri* correctio, quae in *Notis ad fragmenta libris de Emend. Temp. annexa* p. 42. pro πέντε, πενήκοντα scribit, sententiae scriptoris convenit; de quo nec certum est, an Assyriorum imperium tantae putaverit esse antiquitatis? quique Semiramidi solos in Babylonia aggeres ascribens Nitocrin, ut συνεταίρην, longe praefert. Alia autem fuerit, oportet, Semiramis, de qua *Porphyrus* in *iisdem fragmentis* pag. 6. quod ante Iliaca, vel circa illa tempora fuisse memoretur, et forte illa est, cuius mentio in *Excerptis Latino-*



*barbaris Tòcfauro temporum insertis p. 60.* occurrit, ubi post Amintum (qui alias Amintes est) Actosai et Semiramis femina ann.XXIII. ponitur, quae Scaliger ex his Graecis: Ἀττῶσα ἡ καὶ Σεμίραμις, depravata putat. Nisi cui intervallum CCL. annorum ab hac Semiramide usque ad annum, quo confixus est Sol ab Acheis (ita enim ineptus scriptor Graeca: ἡλὼ ἱλιον ὑπὸ Ἀχαιῶν, expressit, conf.p.52.et 54.) maius videatur, quam quod cum Porphyrio componi possit. Circa eadem tempora in *Latini Eusebii Chronicis ad num. DLXXX.* cum Belochi Filia Atossā, quae et Semiramis, annos XII. regnasse perhibetur, in *Graecis* autem a Scaligero collectis non comparer. Vnde in eorum sententiam non inviti concedimus, qui Belo conditae Babylo- nis laudem vindicant; quos apud *Voss. de Idolol. l.I. c.24.p.m.180. Bochartum in Phaleg. l.IV. c.14.p.m.263.* collectos videas. Vbi in- prius *Dorosbei Sidenii* verba luculenta sunt: Ἀρχαία βασιλευ- τυνία Βήλοιο πόλις. Quae Bocharto quidem vanitatem Phoe- nicum redolere videntur, Belo suo id, quod Assyrii erat propri- um, arrogantium. Dispiciendum tamen, annon Assyrius quo- que Belus, Tyrius, a Poeta praesertim, dici potuerit. Eam sa- ne regionem Chami filios sub regni eius initia iam habitasse, lingvarum confusione divinitus dissipatos, a vero non adeo alienum est; ut nihil prohibeat, quo minus Belus, Babylonis conditor, e terris Tyro vicinis in Chaldaeam transire, atque hac ratione Tyrius appellari potuerit. Nec video necesse esse, ut Tyrium Belum non alium, quam qui primus Tyri regnavit, dici potuisse credamus, quum nulla firma ratione constet, anti- qvioris alicuius Beli, aequalis cum sua gente originis, qui et Ba- bylonia condiderit, apud Phoenices nullam extitisse memori- am. Baalis sane cultus Moisis temporibus per Orientem iis et- iam oris latissime diffusus, Beli cuiusdam antiquioris gloriam nec iis gentibus ignotam fuisse, indicio est. Quod si quis, Be- lum Assyrium nulla ratione Tyrium dici posse, contendat, eo

quod Tyrus postea denuum condita, eadem ratione Dorotheum a vanitatis crimine defendemus, quia Homerum *Velleius l. 1. c. 3.* excusat, quod Iliaca componens tempora, Corinthi nihilominus meminisset.

Restat, ut paucis, congruantne tempora imperio Assyrio ab Historicis tributa cum Nimrodi aetate, dispiciamus. Vbi Reges Chaldaeorum ab Aloro usque ad Xisuthrum, *Abydeno, Beroso, Apollodoro* memoratos, qui per quadringenta et triginta duo annorum millia imperium gesserint, nihil moramur. Si quidem veri subest, primi aevi memoria ad Noen usque, qui ab Adamo nonus fuit, sub his fabularum involucris continetur. Sane quae in *Collectaneis Eusebianis p. 8.* Alexander Polyhistor ex Beroso de diluvio sub Xisuthro refert, aptissime in Noen conveniunt, quamvis aliter existimet *Bocbartus lib. I. Pba-leg. c. 1. p. m. 4. et 5.* Nec Chaldaeorum, Arabumque in Babylonia Dynastiarum, quas ex Africano *Scaliger in Tbes. Temp. p. 14.* item in *Canonibus Isag. p. 131.* recenset, rationem habendam esse ducimus, quum illorum initia diluvium Noachicum antevertant. Tutius igitur communes veterum Graecorum, et qui cum ipsis faciunt, Latinorum calculos sequimur, et regnum Assyriae per annos MCCC. usque ad Arbacem Medum floruisse affirmamus. Si quidem ne priscis quidem *Herodotus* persuasit, Assyrios, antequam Medorum aliarumque gentium defectione imperium amitterent, per annos tantum viginti supra quingentos Asiam in potestate habuisse. Potior hac in parte *Ctesiae* auctoritas fuit, qui, ut *Diodorus lib. II.* testatur, Assyriorum imperium devenisse ad Medos, quum floruissent annos plusquam mille et trecentos, secundo libro scriptum reliquit. Nam quod vulgo apud *Diodorum* legitur, ἡ τῶν Ἀσσυρίων ἡγεμονία μετέπεσεν εἰς Μήδους, ἣτη διαμείνασα πλείω τῶν χιλίων ἢ τριακοσίω, ἕτι δ' ἐξήκοντα, ductis, quod ad postrema verba attinet, merito mendii suspectum est, atque ex *Codice Georgii Syncelli* line

sine istis a *Scaligero* producitur in *Collectaneis* p. 30. Conf. quæ ex eodem *Georgio* in *Notis* p. 254. adduntur. Nec dubitatione carent, quæ ex sua mente *Diodorus* post descriptum Nini excidium subiungit: ἡ μὲν δὲ ἡγεμονία τῶν Ἀσσυρίων διαμείνασα μὲν τριάκοντα γενεάς, ἔτη δὲ πλείω τῶν χιλίων καὶ τετρακοσίων, ὑπὸ Μήδων κατελύθη τὸν προσηγμένον τρόπον, Imperium igitur Assyriorum, quum a Nino sub triginta Regibus, qui singuli traditum a Patre regnum tenuerunt, annis plusquam mille et quadringentis perdurasset, a Medis hoc quo dicimus modo eversum est. Neque enim vel verbo innuit, quæ de causâ a rationibus Ctesiae dissentiat, neque etiam auctorem laudat, cuius hac in re sequatur fidem. *Trogus* itaque, quem *Iustinus* in compendium redegit, Ctesiam, ut videtur, sequutus, trecentos et mille annos Assyrios tenuisse imperium, pariter affirmat. Aliter rationem temporum *Velleius* init, qui imperium Asiaticum Assyrios obrinuisse annis mille septuaginta lib. l. c. c. scribit. Sed dudum *Lipsius* monuit, Velleium hic a librariis male acceptum videri, quum omnes alii, præter *Herodotum*, longius illi spatium definiant. Itaque scribendum censet: annis MCCXXX. quod prope a numero initio capitis sequentis tradito abest, atque adeo hæc facilis defendendi ratio videri potest, si illa verba Vellei germana esse probarentur, quod tamen nec *Lipso*, nec *Boecklero* placeat. Quicquid tamen huius sit, dubius ille Velleii locus nostris rationibus officere non potest: quæ æra quoque Babylonica, a *Callisthene* prodita, firmantur, ut *Helvico* et *Petavio* observatum est. Nec *Africani* calculos, annos MCCCCLXXXIV. Assyriorum regno dantis, sequi licet, qui si ad numeros *Mosis* *Hebraicos* referantur, ante tempora eluvionis Noachicæ Beli initium produciunt.

Annos vero MCCC a Sardanapali interitu retro numeramus, atque ita Nimrodi vel Beli regnum circa A. M. MDCCCIX. auspiciamus. Quamvis enim Phalegi nativitas singulari nota-

tione insigniatur, et speciatim cum dispersione populorum, terrarumque divisione, quae cum contigit, coniungatur, quum altera expositio verborum Mosis *Gen. X, 25.* ab Historia S. longius recedat; aliud tamen initium regno Nimrodi tribuimus, *Bocbarti* quoque argumento permoti, quod extat in *Pbaleg lib. I. c. 10. p. m. 43.*

Ex his adeo satis constare arbitramur, nostrae sententiae, quae Nimrodi filium Ninum urbem statuisse dicit, facilius cum consentientibus veterum Historicorum placitis convenire, quam alteri, Nimrodo illud omne tribuenti. Nam *Bocbartus* ut externam Historiam cum sacra in concordiam redigat, quae Diodorus ex Ctesia de Nino dicit, pleraque ad Patrem Nimrodum transferre cogitur. Quo consilio illa Mosis, Nimrodum fuisse insignem venatorem, cum iis Diodori confert, quibus magnam acerrimae iuventutis manum variis exercitationibus Ninus ad bella praeparasse dicitur: quin et societatem belli a Nino cum Rege Arabum initam ita explicat, ut Nimrodus intelligatur Chusaeorum civium suorum opera ad regnum evehctus, quibus deinceps in Susiana agros, praenium virtutis navataeque operae, diviserit. Verum ista ingeniose quidem, sed vereor, ut satis solide dicta sint. Maioris momenti ea videntur, quae ex nexu verborum Mosis, et loco Michaeae concludit. Etenim vix sibi constare Mosis orationem, et minus aptam quasique pendentem fore, vel ut *Bocbartus* loquitur, *biulcam*, si, postquam initium regni Nimrodo Babylona in terra Sinear fuisse dixerat, sequentia ad alium referantur. *Michaeae* autem *cap. V, 5.* Assyriam Nimrodi terram vocari, indicio satis luculento, eam quoque in ditione Nimrodi fuisse. Nobis vero liceat, pace tanti viri, hic dissentire: satis recte enim orationem Mosis sibi met congruere existimamus, si priora de initiis regni Assyrii sub Nimrodo tenuioribus, sequentia de incremento, quod auspiciis et ductu Assuris vel Nini sumpserit,



rit, accipiantur. Nec causa apparet gravior, quæ terram Nimrodi apud divinum vatem, Michæam, de Assyria potius, quam Chaldaea exponere iubeat: præsertim quum Magister Hebræorum, *Abarbenel*, hic nostræ sententiæ accedat. Alterius autem opinionis iugulum, quæ Assuri Semi filio tanti fundamenta imperii ascribit, hæc aliæque Bocharti argumenta directo petunt, eamque conficiunt feliciter.

Ninus quum rem in plerisque Asiae populis bene gessisset, amplissimo potitus imperio, æternum gloriæ magnitudiniquæ suæ monumentum statuere voluit, et urbem condere, aggressus est, cui parem nec prior ætas vidisset, nec posterior esset habitura. Cui locum in Syria, ut *Diodorus* vocat, vel Assyria, aut Aturia (eandem enim regionem voces hæc designant) ad exædificationem tantæ urbis opportunum delegit. Sed ubinam in Syria illam collocaverit, inter auctores video non convenire. *Diodorus lib. II.* Ninum ponit ad Euphratem, eundemque fluvium urbi Sardanapali temporibus exitium intulisse prodit. *Herodotus* autem ad Tigrim collocat. Ad Lycum alii, quidam in ulteriore, alii in citiore fluminis ripa. Cuius in disquisitione rei ut nobis liceat esse brevioribus, *Bocharti* industria effecit, qui *lib. IV. Phaleg, c. 20.* hæc egregie discussit. Vbi tamen sibi omnino constat, quem vir Cl. secum ipso committere voluit, *Herodotus*. Qui, inquit idem, *lib. I. cap. 185. obiter de Nino loquutus, Euphratem amnem fluere scribit διὰ τῆς πόλιος μέσης. Sed id recantat idem bis verbis c. 193. eiusdem libri, τὸν Τίγριν, παρ' ὃν Νῖνος οἰκέσεται (vel οἰκῆτο, ut inf. p. 288. ex MS Cto Bochartus corrigit) et rursus c. 150. lib. 2. τὸν Τίγριν ποταμὸν παραβρέοντα τὴν Νῖνον.* Verum hæc Viro aliud agenti excidisse credimus. Neque enim *Herodotus* Euphratem per mediam Ninum fluere dixit uspiam, sed l. c. de Babylone agit, ut verba inspicienti clarum est. De cetero modestiam viri imitari optimum ducimus, qui in tantis veterum



Scriptorum pugnis ignorantiam veri fateri maluit, quam temere quicquam affirmare. Certe *Lucianus*, cuius, ut patria illis regionibus proximi, non parva hac in re auctoritas est, in Dialogo, cui, *Χάρων*, vel *ἑπισκοπῶντες*, titulum praefixit, quum *Charon* rogavisset: τὰς πόλεις τὰς ἐπισήμους ἢ δὲ δεῖξάν μοι, ὡς καὶ τὼ ἀκούομεν. τὴν Νῆον τὴν Σαρδαναπάλην, καὶ Βαβυλῶνα, κ.τ.λ. *Iam vero urbes celebres mihi commonstra, de quibus apud inferos audimus. Ninum Sardanapali Regiam, et Babylonem, &c.* Mercurium haec facit respondentem: ἡ Νῆος μὲν, ὡς πορθεμένη, ἀπόλωλεν ἤδη, καὶ ἔδεν ἵχνη ἐτι λοιπὸν αὐτῆς. ἔδ' ἂν εἶπες, ὅπως ποτ' ἦν. ἡ Βαβυλῶν δὲ σοὶ ἐκείνη ἐστίν. ἡ εὐπυργος, ἡ τὴν μέγαν περιβολὸν. ἢ μετὰ πολὺ καὶ αὐτὴ ζητηθεσομένη, ὥσπερ ἡ Νῆος. *Ninus quidem, Portitor, iam periit, neque aliquod eius vestigium superest. Nec dixeris, ubinam sita fuerit. Babylon autem illa tibi urbs est, quae splendidis turribus, ingentique ambitu superbit. Prope tamen abest, quum et ipsa aequae, ac Ninus, requireretur.* Fingitur autem sermo haberi, *Croeso* apud *Lydos* regnante. Si autem, quae nobis vero propiora videantur, omnino dicendum est, non facile alius succurrit auctor, quem in iis, quae ad situm regionem urbiumque attinent, contra *Serabonem* nominare possemus. Is *lib. XVI. de Nino*: ἡ μὲν γὰρ Νῆος πόλις ἡ Φαιάκη παραχρῆμα μετὰ τὴν τῶν Σύρων κατάλυσιν. πολὺ δὲ μείζων ἦν τῆς Βαβυλῶνος, ἐν πεδίῳ κειμένη τῆς Ἀτταρίας. ἡ δ' Ἀτταρία τοῖς περὶ Ἀρβηλα τόποις οὐκία ἐστίν, μετὰ ζυγχοσατὸν Λύκον ποταμὸν. τὰ μὲν γὰρ Ἀρβηλα τῆς Βαβυλωνίας ὑπάρχει, ἀκατ' αὐτὴν ἐστίν. ἐν δὲ περὶ αὐτῆς Λύκον τὰ τῆς Ἀτταρίας πεδία τῇ Νῆῳ περικεῖται. *Urbs ergo Ninus post destructionem Syrorum imperium statim deleta est. Multo autem maior Babylon fuit, in campis sita Aturiaae. Aturia vero locis circa Arbela similis est, et Lyco amne media secatur. Arbela igitur ad Babyloniam pertinent, quippe quae iuxta eam sunt. Trans Lycum vero campi Aturiaae Nino circumiacent. Quibus Ninum in altera Lyci ripa collocat, quum Arbela in orientali essent.*

sent. Fuit ergo urbs a Lyco versus Tigrim porrecta, et facile ob amplitudinem moenium fieri potuit, ut hinc Tigri, illic Lyco allueretur. Quam vero urbem *Ammianus*, et insequentium temporum scriptores alii, trans Lycum stetisse commemorant, propinquo quidem, non vero eodem in loco excitata videtur, quod fatum magnarum urbium plurimis commune fuit.

Nec id nos conturbet, quod reliquis Ninus non in Aturia, sed Adiabene ponitur. Nam his regionum nominibus auctores diversissima ratione utuntur. *Strabo* τὴν τῶν Ἀσσυρίων χώραν describens, Ἀτυρίαν et Ἀδιαβηνήν, ut partes distingvit; et huius partem maximam Babyloniae attribuit: τῆς μὲν ὑπὸ Ἀδιαβηνῆς ἡ πλείστη πεδιάς ἐστὶ, καὶ αὐτὴ τῆς Βαβυλωνίας μέρος ὄνσα, *Maiorem Adiabenes partem campi tenent, quae et ipsa ad Babyloniam pertinet.* Quibus autem terminis utramque definiat, non adeo in aperto est. Medio tamen inter Lycum et Caprum spatio eas finire videtur, quum Gaugamela Aturiae, Arbela vero Adiabene ab ipso tribuantur, quae utraque inter Lycum et Caprum interiecta sunt. Atque ex his terminis, a *Strabone* fixis, *Diodori* quoque mentem rectius assequi poterimus, qui *lib. XVII.* de Dario loquens: ἔσπευδε, inquit, περὶ τὴν Νίνον ποιῆσαι αὐτὴν παράταξιν, εὐθετωτάτων ὄντων τῶν περὶ αὐτὴν πεδίων, καὶ πολλὴν εὐρυχωρίαν παρεχομένων τῶν ἡθροισμένων ὑπὸ αὐτοῦ δυνάμεων, *Studebat autem circa Ninum aciem instruere, eo quod campi circa illam essent aptissimi, et explicandis copiis a se collectis spatia liberrima praeberent.* Quum enim pugna ad Gengamela Aturiae, non Arbela commissa fuerit, ut *Strabo* accurate disputat, inter campos praelio tam insigni nobilitatos et Ninum Lycus solum interest. Aliis Adiabene latius extenditur, ut ad Tigrim quoque excurrat, atque adeo *Strabonis* Aturiam suis finibus includat; ita a *Mela lib. I. cap. II.* accipitur. Quin ultra Tigrim in Mesopotamiae fines proferre vide-

detur *Herodianus lib. III. cap. 9.* ubi Severum, peragrata Mesopotamia et Adiabene, Arabiam felicem depopulatum esse scribit. Et τὰς Ἀδριαβηνῆς σατραπείας *Zosimus* in numero plurimum commemorat *lib. III. cap. 12.*

Igitur cum *Alban. Kircher*o facere non possumus, qui in *descriptione turris Babel* Ninum media inter Tigrim et Euphratem spatia longitudine sua occupasse contendit. Idem in eo quoque fallitur, quod universam Aturia provinciam Nini moenibus inclusam fuisse putat; *Strabone* contra testante, τὰ τῆς Ἀτυρίας περὶ τῆς Νίνου περιεῖνθαι.

Formam et faciem urbis nemo *Diodoro* luculentius descripsit. ἔκτισεν ὁ Νῦν ὁ πόλιν ἐν τετεχισμένῃ, ἐτερόμοις αὐτῆς ὑποσησάμεν τὸ σχῆμα. ἔχῃ δὲ τῶν μὲν μακροτέρων πλεονῶν ἐκατέραν ἢ πόλιν ἐν σαδίων, τῶν δὲ βραχυτέρων, ἐνενήκοντα. διό καὶ ὁ σύμπαντος περιβόλῃ συσαδέντος ἐκ σαδίων τετρακοσίων καὶ ὀγδοήκοντα, τῆς ἐλπίδος ἢ διεψεύθη. τηλικαύτην γὰρ πόλιν ἡδεῖς ὑπερον ἔκτισεν κατὰ τὸ μέγεθος τῆς περιβόλῃ, καὶ τὴν περὶ τὸ τέχῃ μεγαλοπρέπειαν. Τὸ μὲν γὰρ ὕψος εἶχε τὸ τέχῃ ποδῶν ρι, τὸ δὲ πλάτος τρισὶν ἄρμασιν ἰσπάζεσθαι. οἱ δὲ σύμπαντες πύργοι τὸν μὲν ἀριθμὸν ἦσαν χίλιοι καὶ πεντακόσιοι, τὸ δὲ ὕψος εἶχον ποδῶν διακοσίαι. κατῴκισεν δὲ εἰς αὐτὴν τῶν μὲν Ἀσσυρίων τῆς πλείους καὶ δυνατωτάτης, ἀπὸ δὲ τῶν ἄλλων ἔθνων τῆς βελομένης καὶ τὴν μὲν πόλιν ἐκάλεσεν ἀφ' ἑαυτῆς Νίνον, τοῖς δὲ κατοικοῦσιν πολλὴν τῆς ὁμοῦ χώρας προσώρισεν. *Urbem Ninus firmissimis moenibus, figura oblonga extruxit. Et bina quidem latera, quae erant longiora, centum quingvagina: quae breviora, nonaginta stadia patebant. Itaque quum totius urbis ambitus quadringentorum et octoginta stadiorum esset, spes cum non fefellit. Talem enim urbem tanto ambitu moenium, tantaque murorum magnificentia nemo postea condidit. Si quidem murus centum pedes altus id spatium in latitudinem amplectebatur, ut tres curvus libere inter se commcare possent. Turres vero numero*

erant mille et viginti, ducentos pedes alti. Incolas in eam plerosque et potentissimos Assyriorum duxit: ex reliquis autem gentibus, qui sua sponte vellent. Ac urbi ex se Nini nomen indidit, incolis vero magnam attribuit finitimae regionis partem. Quae, licet pluscula, hic adducere visum fuit, quum universum negotium uno velut aspectu lectori repraesentent. Plana quoque eorum ope sunt, quae Ionas, divinus vates, de urbe Nino prodidit, multis et Hebraeorum et Christianorum, subsidiis interpretandi hic destitutorum, sententiis vexata. Duo ille affirmat *cap. III, 3*. Primum est: וְנִינִי עַר גְּדוּלָּה לְאֱלֹהִים: מהלך, Alterum: magnam fuisse מִלֶּשֶׁר יִשְׂרָאֵל: Vbi in priori nomen divinum non tantum ad excellentiam rei notandam additur, sed significat potissimum, ad eam magnitudinem non sine nutu auxilioque divino pervenisse, quae in re *Lutherum* nostrum sequimur, eadem in *c. Gen. XXX. comm. 8.* commentantem. Iter autem trium dierum quid sibi velit, obscurum ei esse non potest, qui vatis sacri verba cum descriptione Diodori comparaverit.

Non desunt, qui Ninum *τετράπολιν* faciant, et uni parti speciatim Ninives, alteri Rechoboth Ir, tertiae Chelach, quartae Resen nomen tribuant, ita ut quatuor hae urbes magnam illam celebratamque urbem efficiant, quod a Mose *Gen. X, 11, et 12.* putant insinuatum. Ferme ut *Syracusas Tullius lib. IV. in Verr.* Antiochiam *Strabo lib. XVI.* describit. Atque in iis magnum seculi superioris lumen *Dav. Chytraeus Comm. in Gen. cap. X.* est. Verum hic suo quemque sensu facile patiemur abundare: negare tamen nolumus, communem interpretationem verbis Moysi convenientiorem videri. Quin et in Assyria peculiaris regio *Καλαχηνή* fuit, cuius



ius apud *Strabonem* l. XVI. mentio fit, vestigia nominis antiqui aperte servans.

*Nabumi* II, 7. שְׁעֵי הַחֲרֹון מֵעַד מֵדָה mentio fit, quæ per portas ad fluvios Assyriæ ducentes, propugnaculis firmatas explicat *Bochartus in Pbaleg lib. IV. cap. XIX. p. 276.* Fortes cataractæ aut aliæ moles, retinendis immittendisqve fluminibus excitatæ intelliguntur. Sane in clade Nini, ab Arbace illata, simile quid his accidisse, quæ hic a Propheta dicuntur, *Diodorus* meminit, quum disiecta aquarum impetu longo spatio moenia et hostibus viam darent, et Sardanapalo spem omnem adimerent salutis. Sed quoniam altera Nini everio, quam Deus Nabumi voce minatus est, neque a sacris, neque a profanis scriptoribus paullo distinctius traditur, tota res in obscuro est.

Illud autem extra omnem controversiam ponendum, nihil a vero alienum tradidisse *Diodorum*, quum omnes, quotquot unquam fuerunt, urbes infra Nini magnitudinem fuisse refert. Neque enim fabulosa Thebarum Aegyptiarum spatia moramur, quæ apud *Stephanum* patuisse quondam in longitudinem quadringenta stadia leguntur. Porius *Straboni lib. XVI.* idem nos adhibere æquum est, qui locum coram inspexit, et vestigia priscae magnitudinis per octoginta stadia monstrata fuisse tradidit. Quod vero apud *Nabumum* Ninus cum Diospoli vel Thebis (eae enim No Amon sunt) confertur, id non de urbis amplitudine, sed firmitate imperii, et munimentorum robore intelligendum est. Id enim instituto Prophetae sufficit. Babylon tamen Nino compar fuerit, si *Herodoto*, quique hunc sequitur, *Plinio* credamus. Etenim eius ambitum ille CCCCLXXX. stadiis, hic millibus passuum sexaginta describit. Imo *Aristoteles lib. III.*

*Polit.*



*Polit. cap. 2.* eam cum Peloponneso confert, cuius ambitus secundum *Strab. lib. VII.* quatuor stadiorum millia continet. Verum quum alii dissentiant, eorum auctoritatem libentius sequimur, qui non audita, sed visa; non vanas, aut certe non satis providas aliorum narrationes, sed certissimis rerum argumentis comperta tradiderunt. Quos inter Ctesiam et Clitarchum apud Diodorum, tum etiam Strabonem iure optimo referimus: quorum ratio nec multum a se distat, et certa huius rei notitia nititur. Cresias spatium stadiorum CCCLX, Clitarchus CCCLXV. Semiramini muro complexam esse, memoriae prodidit. Strabo vero CCCLXXXV. stadia ponit, et Ninum Babylone multo maiorem fuisse disertissime testatur. De Qvinfaiautem Cathaiae urbe M. Paullus Veneris maiora fide tradidit.

Non alienum videtur, an recte tanta urbis mole Ninus securitati rerum suarum consuluerit, breviter hic considerare. Siquidem a rerum civilium peritis annotatum est, universas imperii vires in uno loco collectas adversus externum hostem se quidem facilius tueri, quod et consilium et copiae illi opponendae promptius expediantur: plerumque tamen intestinis laborare malis, et novis rebus, mutationibusque rerum occasionem dare; ac in universum populari potius imperio, quam regio convenire. Observatum et illud est, eos plurimum potentia et summa rerum excidisse, quos semel pars adversa sede excluderat imperii, quum illam in tempore occupare, aut firmis copiis tenere neglexissent. Ex hoc certe fonte, quod ingens civium multitudo, et suapte ingenio, et Reipublicae instituto, vigens animis, atque ex bellica laude omne decus suum repetens, unius urbis moenibus contineretur, pleraeque priscae Romanorum Reip. nu-

tationes, et inquietus civitatis status profluxerunt. Tarquiniis portas claudere, atque abrogare imperium ausi non fuissent, nisi tot virorum millia mutuo conspectu sibi invicem animos auxissent. Atque ut alia omittam, non ulla re magis Pompeius Caesari victoriam tradidit, quam quod urbem primo, deinde Italiam deseruit, consilio a principio statim minus cauto, nec *Ciceroni* probato. vid. *lib. VII. et VIII. Epist. ad Atticum*. Si recentiora requiramus exempla, regnanti Carolo I. fatalis ex urbe Londinensi discessus fuit, propterea quod sede regni relicta perduellibus audacia crevit, et Regi exitium est acceleratum. Ea de causa Ludovicus XI. bello a Principibus petitus, nihil antiquius habuit, quam rerum caput Lutetiam tueri, ut refert *Cominaeus*. Idcirco Rex Ninus omnibus Regibus tradidit exemplum retinendi urbes sedesque regias, ex quibus reprimi et refrænari populorum motus possunt. Quamvis Ninus non tam de imperio, per urbis amplitudinem firmando, quam de gloria nominis amplificanda cogitasse mihi inprimis videatur. Probavit tamen eventus consilium, ac Regibus usque ad Sardanapalum florentissimum imperium praestitit. Sed non ex eventu solo facta diiudicanda sunt, ne sapientissima bonorum virorum consilia, dolis improborum hominum impedita ac subversa, temere imprudentiae arguamus. Et dantur adhuc alia, quae hoc Nini institutum aequis iudicibus approbare queant. Ut enim id taceam, quod nunc asserre supervacaneum est, praecipui ab iis, qui rei publicae notitiam profitentur, ut, si per regionis situm fines usquequaque adversus hostiles imperus muniri satis non possunt, locus certus eligatur, iustisque firmetur praesidiis, ad quem, rebus dubiis, subiecti, tanquam ad arcem salutis suae caua confugiant, receptumque habeant:

ant: illud gentium, quas Ninus sub imperio habuit, ingenium semper fuit, cui penitus infixæ erga Reges reverentia præsentis statu contentas, et procul a seditionibus bellisque civilibus agere, maiestatemque Principis obsequio colere et revereri iuberet. Neque enim unquam iis populis imperium, nisi unius, placuit, adeo ut sverus Regibus Oriens non sine exprobratione servilis animi dicatur, ap. *Tac. lib. IV. Hist. cap. 17.* In quo a priscis Europæ nostræ incolis maxime dissentiant, quorum plerique, ne Resp. sua unius arbitrio subesset, quidvis potius experiri, quam Reges pati, maluerunt. Accessit provida Ninyæ, Nini F. ratio, qui quum parto a parentibus imperio frui constituisset, et præcipuum imperii robur in Nino urbe esse animadvertisset, eam, tanquam caput rerum, deserere nunquam voluit, ne captata forsitan per suam absentiam occasione alius solium invaderet, aut tranquillitas res turbaret. Contra seditiones populi, in tanta urbe sine dubio numerosissimi, exercitus præsidium comparavit, ex provinciis quotannis noviter conscripti, qui et civibus, si novis rebus studerent, præsens terror esset, et adversus subita hostium pericula muniret. Quoniam autem in fide huius exercitus et Regis et regni salus præcipue continebatur; ne ille, vires suas aestimans, dare vellet, non accipere, imperium novis in singulos annos delectibus habitis providit: atque hac ratione feliciter evitavit incommodum, quod Occidentis olim imperium fere subvertit, et nostra ætate Turcicum graviter afflixit. Tum vero splendidissima quæque, si quotidie oculis obversentur, minus admirationis habent, et facile aliquid de pristina dignitate amittunt. Contra Assyrii raro se videndos exhibe-

C 3

runt,

runt, et ex longinquo, aut abdito maiestatem ostentarunt: ita factum est, ut voluptates, quas petulanter sectabantur, non emanarent in vulgus, neque ipsi adeo in contemptum venirent, sed divinis honoribus, tanquam Dii, a conspectu hominum remoti colerentur. *Diodorus lib. II.*

An vero eandem imperii famam venerationemque urbs Ninus usque ad Sardanapalum integram servarit, dubium est. *Mela lib. I. cap. II. Syria*, inquit, *olim ac diu potens: sed quum eam regno Semiramis tenuit, longe potentissima; innuit, minorem Assyriis potentiam post Semiramidem fuisse.* Si coniecturis locus, post Ninyae mortem, vel sub extrema eius tempora provinciae ad motum spectabant, et exuere imperium cupiebant, nec nisi gravissimis bellis ab Assyriis iterum perdomitae videntur. Post Ninum enim Thuram, sive Thurram regnasse, et ingentem bello quaesivisse gloriam, tradunt scriptores, adeo, ut Assyrii eum pro Marte haberent, divinoque honore afficerent, quod ex prisca Assyriorum monumentis, atque ex Ioanne Antiocheno *Bobartus* et *Vossius* annotarunt. Sed quis ille fuerit, quaeritur. Si, quid nobis maxime probabile videatur, paucis licet exponere, Arium Ninyae F. et successorem indicari vix dubitamus. Enimvero quum proxime a Nino regnasse traditur, non Ninus prior, urbis Nini conditor, sed filius eius intelligendus est, plerumque Ninyas vocatus. Quod cum urbis nomine Hebraeo convenire, magnus *Scaliger* in *Append. ad libros de Emend. Temp. p. 43. et in Animadvers. ad Euseb. p. 15. et 16.* censuit. Quum Ninum etiam *Cephalaeco* vocat in *Fragmentis Euseb. p. 30.* Idem *Zameis*, *Zāms*, et *Sāms* dicitur, vid. *Hieron. in Chron. Euseb. p. II. et 59. Graeca fragmenta Euseb. p. 19. et 77.* Vnde verba Io. Antioche-



tiocheni, et Faſtorum Siculorum Thurrae Ζάμνν patrem tribuentium, lucem accipiunt: ut neceſſe non ſit, cum *Voffio* l. c. p. 126. et 181. Ζάμνν vel Ζάνν reponere, et pro Iovis nomine habere: aut cum *Bocbarto* per Ζάμνν Semum intelligere, cuius filius Aſſur (ex quo nomine Οἰζας per aphaereſin eſſe conſiicit) Nino, id eſt, Nimrodo, in imperio ſucceſſerit. Si enim Ninus Nimrodus eſt, et ſucceſſorem Aſſurem Semi F. habuit; Nini poſteros uſque ad Sardapalum Aſiae regnum tenuiſſe, falſum erit, qvotamen conſtanter ab Hiſtoricis memoriae proditur. Noſtræ vero ſententiæ nomen etiam Ἀπειῶ egregie ſuffragatur, cum eo ſatis apte conveniens, qvot Thuram a Patre Ἀπειῶ nomen accepiſſe, et deinceps ab Aſſyriis pro Marte, bellorum præſide, conſecratum fuiſſe legimus. Forte qvum eius nomen Belli Deum ſonare Graeci intelligerent, illud ſua lingua per Ἀπειῶ et Ἀπειων exprimere voluerunt. Niſi et ipſum Ἀπειν ex oriente deducendum; qvam ſuſpicionem anceps Syllabæ prioris mora iniicit, de qua notum etiam *Martialis* epigramma eſt. *Voffius* ſane ab פריע format, lib. 1. de Idol. p. m. 168. Atqve in huius Regis tempora bellum Sodomorum *Gen. XIV.* deſcriptum incidit, qvot ab illo per Satrapas geſtum eſt, ſi *Iosepho* lib. 1. *Originum*, cap. 10. fides habenda. Qvamvis autem, quæ conſequuta ſunt tempora, ob ſcriptorum inopiam nobis obſcura ſint et lateant, manſiſſe tamen regno Aſſyriorum diu adhuc veteris imperii gloriam, et longinquis etiam populis reverentiam, fatendum omnino eſt, ſi Priamus eiſque regnum in fide ac clientela Aſſyriorum fuit, iſque a Tevtamo, Mennone Imperatore, auxilia miſſa ſunt, qvot a *Diodoro* traditur: qvotum tamen



men tempora excidii Troiani non consentiunt, quod ex *Petavii* calculo sub Thinaeo, altero a Tevtamo Rege contigit, Anno P. I. 3530. quanquam *Diodoro* Tevtamus a Ninya vigesimus tantum, *Petavio* tertius vigesimus numeretur. Brevi tamen post auctoritas Assyriorum in regionibus ad mare mediterraneum Graeciae obversis, et finitimis, concidisse videtur, quum tam profunda rerum Assyriarum ignorantia Graecos tenere non potuerit, commercii coloniisque oram Asiae frequentantes, nili longius Assyrii imperii fines abfuissent. Ut adeo postrema aetate in Orientem potissimum illud paruisse censendum sit, magnum nihilominus, et vicinorum libertati metuendum, nisi voluptates prae gloria et cultu virtutis placuissent, quippe adhuc Sardanapalus Babylonios, Arabas, Persas et Bactrianos, sibi partim obsequentes, partim obnoxios, alios clientelae nexu coniunctos, alios foedere, saltem iniquo, devinctos, alios vectigales, reliquos metu potentiae addictiores, et veneratione, cultu, officiis maxime conciliatos ac promptos habebat.